



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEMETLALELETŠO LA PELE (FAL)

LEPHEPHE LA BORARO (P3)

NOFEMERE 2010

MEPUTSO: 100

NAKO: 2½ diiri

Palomoka ya matlakala a dipotšišo ke 6.

DITAELO

1. Lephephe le, le arotšwe ka DIKAROLO tše THARO, e lego ya A, ya B le ya C.

KAROLO YA A: Ditaodišo (50)
KAROLO YA B: Ditšweletšwa tša tirišano tše telele (30)
KAROLO YA C: Ditšweletšwa tša tirišano tše kopana (20)

2. Araba potšišo e TEE karolong ye nngwe le ye nngwe.
3. Šomiša polelo yeo o lekwago ka yona.
4. Thoma karolo ye NNGWE le ye NNGWE letlakaleng le LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o badišiše le go dira palobohlatse. Peakanyo ya gago e tšwelele pele ga taodišo ya gago.
6. Peakanyo e bonagale gabotse. E laetše ka go thala mothalo wa go putla.
7. Šomiša metsotso ye e ka bago 60 go KAROLO YA A, ye 30 go KAROLO YA B le ye 30 KAROLONG YA C.
8. Dikarabo di nomorwe go ya le ka fao dipotšišo di nomorilwego ka gona.
9. Efa karolo ye nngwe le ye nngwe hlogo ya maleba.
10. Ngwala ka bothakga le ka mongwalo wa go balega.

KAROLO YA A: DITAODIŠO**POTŠIŠO 1**

Kgetha e TEE go dihlogo tše seswai tše gomme o ngwale taodišo ya botelele bja mantšu ao e ka bago a 250 go iša go a 300.

Taodišo e rulaganywe ka lenaneo la go swana le mmepe wa monagano goba lenaneo leo le ka go thušago go rulaganya. O tla fiwa meputso ya go **rulaganya** le **palobohlatse**.

- 1.1 Ke ikgantšha ka setšo sa gešo. [50]

GOBA


- 1.2 Re boloka re sa fetše ... [50]

GOBA

- 1.3 Basadi lefaseng la dipapadi. [50]

GOBA

- 1.4 Lekodišiša seswantšho se sa ka tlase gomme o ngwale taodišo ka sona.
Ba sentše eng?



[Nova development]

[50]

GOBA

- 1.5 Lebeledišiša seswantšho se sa ka tlase gore o kgone go ngwala taodišo ka sona.



[Nova development]

[50]**GOBA**

- 1.6 Kotsi ya maitshwarompe a bafsa.

[50]**GOBA**

- 1.7 ... ruri ka tla ka itshola!

[50]**GOBA**

- 1.8 Afrika-Borwa ke ya batho ka moka bao ba dulago go yona. Dumela goba o ganetše.

[50]**PALOMOKA YA KAROLO YA A:****50**

KAROLO YA B: DITŠWELETŠWA TŠA TIRIŠANO TŠE TELELE**POTŠIŠO 2**

Araba potšišo e TEE go tše nne tše di latelago. Botelele bja karabo ya gago e be mantšu a 120 go iša go a 150 (diteng fela).

- 2.1 Go na le sekhutlwana seo se tlwaelegilego ka bosenyi mo mmileng wo mongwe wa motse wa geno. Ngwalela baphatlalatši ba kuranta **athikele**, o ba tsebiše ka bosenyi bjo bo diragalago fao.

[30]**GOBA**

- 2.2 Mošomo wa bongwaledi šo o phatlaladitšwe papatšong ya ka tlase. Thala **boitsebišophelo** bjo o tlogo bo romela go kgopela mošomo woo.

Mohuta wa mošomo: Mongwaledi

Kgoro: Bokgabo le Setšo

Mopotso: R73 656,00 ka ngwaga

Dinyakwa tša mošomo:

Bokgoni bja go tlanya ka lebelo, mangwalo a marematlou le la go tlanya ka khomphuthara. Bokgoni bja go tšea metsotso ya dikopano le melaetša ya megala. Go ngwala dipego le go bolela maleme a go feta a mararo a semmušo.

Dikgopelo di lebišwe go: Hlogo ya lefapha la Taolo ya Bašomedi, Kgoro ya Bokgabo le Setšo, Pretoria, 0001

Dikgopelo di romelwe pele ga 5 Janaware 2011.

[30]**GOBA**

- 2.3 Ngwala **lengwalo** leo go lona o lebogišago mogwera wa gago ka ge a hweditše pasari ya go yo ithutela dithuto tša boentseneere le yunibesithi yeo a tlogo ikgethela yona.

[30]**GOBA**

- 2.4 O mongwaledi wa Lekgotlataolo la Sekolo. Le swaragane le go lokišetša baithuti leeto la go ya lewatle. Ngwala **lenaneothero le metsotso ya kopano** ya lekgotla la mafelelo pele ga leeto leo.

[30]**PALOMOKA YA KAROLO YA B:****30**

KAROLO YA C: DITŠWELETŠWA TŠA TIRIŠANO TŠE KOPANA**POTŠIŠO 3**

Araba potšišo e TEE go tše tharo tša tše di latelago. Botelele bja karabo ya gago e be mantšu a 80 go iša go a 100.

- 3.1 Mogwera wa gago o a nyalwa gomme o go kgopetše gore o mo ngwalele **ditaelo** tša go paka kuku ya letšatši. Ngwala ditaelo tše di ka bago le dintlha tše seswai. [20]

GOBA

- 3.2 Sekolo sa lena se tlo ruta dithuto tša Mmetse le Mahlale ka Mekibelo. Hlogo ya sekolo o go kgopetše go thala **postara (phoustara)** ya go kwalakwatša dithuto tše sekolong sa lena le mo motseng. Thala postara (phoustara) yeo. [20]

GOBA

- 3.3 Ngwalela mogwera wa gago **karata** ya taletšo gore a tle a je le lena dijo tša mantšiboa tše nepo ya tšona e lego go lebogiša mothuti ka lena yo a hweditšego sefoka sa go ba moithuti yo mokaone. [20]

PALOMOKA YA KAROLO YA C:
PALOMOKA YA TLHAHLOBO

20
100